

六科準繩



傷寒準繩卷三

金壇王肯堂輯 瘦樵程永培校

陽明病

胃實不大便 自汗 不得臥 潮熱 譫語 狂亂 循衣摸牀 渴 嘔 乾嘔

〔黃〕陽明之爲病胃家實是也謂之正陽陽明屬下證輕則大柴胡湯重則大小承氣湯此邪自陽明經傳入府者經曰陽明病脈遲雖汗出不惡寒者其身必重短氣腹滿有潮熱者此欲解可攻裏也手足濇然汗出者此是大便已硬也大承氣湯主之若汗多微發熱惡寒者外未解也其熱不潮未可與承氣湯若腹滿不通者可與小承氣湯微和胃氣勿令大泄下謂陽明亦有在經者未全入府猶宜解外縱有大滿大府不通亦不過小承氣湯微下之入胃在經猶宜兩審也其陽明一證少有自病多因太陽傳入兼與太陽陽明合病用葛根湯者是也少陽陽明合病用黃芩芍藥湯者是也自少陽傳入陽明及未合併病者亦然陽明經治法有汗吐下溫和解刺

〔汗〕桂枝湯

麻黃湯

五苓散

此亦作汗劑

麻黃連軹赤小豆湯

〔吐〕梔子豉湯

〔下〕調胃承氣湯

大承氣湯

抵當湯

麻仁丸

茵陳蒿湯

小承氣湯

傷寒準繩

卷三陽明病

〔溫〕吳茱萸湯 四逆湯

〔和解〕白虎湯 白虎加人參湯 豬苓湯 小柴胡湯 蜜導煎 豬膽汁 土瓜根 梔子蘘皮湯

〔刺〕熱入血室刺期門

問曰病有太陽陽明有正陽陽明有少陽陽明何謂也答曰太陽陽明者脾約是也經曰跌陽脈浮而濇浮則胃氣強濇則小

便數浮濇相搏大便則難其脾爲約麻仁丸主之 太陽 正陽陽明者胃家實是也少陽陽明者發汗利

小便已胃中燥煩熱大便難是也宜小承氣湯微瀉之蓋少陽復不可下也 按本草大黃酒浸入太陽經酒洗入陽明經病之高下全在酒之多少以引之耳又按太陽陽明

正陽陽明承氣湯中俱用酒浸惟少陽陽明爲下經故小承氣湯中不用酒浸也以此推之則太陽陽明

當用調胃承氣湯蓋以調胃承氣既附在太陽篇中而大黃下註曰酒浸正陽陽明當用大承氣其大黃

註曰酒洗少陽陽明當用小承氣湯不惟大黃不用酒浸洗而少陽禁汗下故去芒硝之峻劑而且當少

與之也書此以駁成氏之誤又須識太陽陽明脾約丸少陽陽明又可大柴胡也又有說在不大便之

條 問曰何緣得陽明病答曰太陽病發汗若下若利小便此亡津液胃中乾燥因轉屬陽明不更衣內

實大便難者此名陽明也〔成〕本太陽病不解因發汗利小便亡津液胃中乾燥太陽之邪入府轉屬陽明古人登廁必更衣不更衣者通爲不大便不更衣則胃中物不得泄故爲內

實胃無津液加之畜熱大便則難爲陽明裏實也 傷寒脈浮而緩手足自溫者是繫在太陰太陰者身當發黃若小便自利者

不能發黃至七八日大便鞭者爲陽明病也〔成〕浮爲陽邪緩爲脾脉傷寒脉浮緩太陰客熱邪在三陽則手足熱邪在太陰則手足溫邪在少陰厥陰則手足寒今

手足自溫是知繫在太陰也太陰土也爲邪蒸之則色見於外當發身黃小便自利者熱不內蓄不能發黃至七八日大便硬者即太陰之邪入府轉屬陽明也 陽明病若能食名中

風不能食名中寒

〔成〕陽明病以飲食別受風寒者以胃為水穀之海風為陽邪陽氣殺穀故中風者能食寒為陰邪陰邪不殺穀故傷寒者不能食

陽明病但頭眩不

惡寒故能食而欬其人必咽痛若不欬者咽不痛

按目眩之眩其字从目从玄謂其眼中黑暗也頭眩之眩當作若藥不瞑眩之眩訓之謂眩憤亂也謂其頭眩

岑然憤亂而不甯也凡書皆當活看不可拘執〔成〕陽明病身不重痛但頭眩而不惡寒者陽明中風而風氣上攻也經曰陽明病若能食名中風風邪攻胃胃氣上逆則欬咽門者胃之系欬甚則咽傷故必咽痛若胃氣不逆則不欬其咽亦不痛也胃氣主嘔肺氣主欬成氏以

以然者胃中虛冷故也以其人本虛故攻其熱必嘔〔成〕不能食胃中本寒攻其熱復虛其胃虛寒相搏故令嘔也經曰關脈弱胃氣虛有熱不可大攻之熱

去則寒起

此之謂也 陽明病脈遲食難用飽飽則微煩頭眩必小便難此欲作穀疸雖下之腹滿如故所以然者

脈遲故也

〔成〕陽明病脈遲則邪方入裏未化為熱也胃中有寒食難用飽飽則微煩而頭眩者穀氣與寒氣相搏也寒熱相搏必小便難利者不能發黃言穀熱得泄也小便不利則穀氣醞釀成熱

不得泄出身必發黃疸黃也以其發於穀氣之熱故名穀疸熱實者下之則愈脈遲為寒故雖下之祇益其寒腹滿亦不減也經曰脈遲尚未可攻

陽明病欲解時從申至酉止

陽明燥金旺於申酉戌向旺時是為欲解

傷寒嘔多雖有陽明證不可攻也見

陽明病面合赤色不可攻攻必發熱色黃

小便不利也

〔成〕合通也陽明病面色通赤者熱在經也不可下之下之虛其胃氣耗其津液經中之熱乘虛入胃必發熱色黃小便不利也○〔張〕夫陽明病理必近於可下但以面赤其熱猶在

經故云不可攻若攻之則經中之熱悉入於胃鬱蓄而發黃色譬如下之太早成結胸之類

陽明病心下鞭滿者不可攻之攻之利遂不止者死利

止者愈

陽明病腹滿者為邪氣入府可下之心下硬滿則邪氣尚淺未全入府不可便下之得利止者為邪氣去正氣安正氣安則愈若因下利不止者為正氣脫而死 尚淺淺字不如高字

胃實不大便

大便難

大便硬

燥屎

傷寒準繩

卷三陽明病 胃實

三

〔成〕不大便大便難大便硬燥屎悉屬裏證宜下者多矣然而有表未罷風濕相搏尤宜先解表已而下之可也如經曰傷寒不大便六七日頭疼有熱者小便清知不在裏仍在表是也其證多見於陽明蓋胃土萬物所歸無所復傳自太陽少陽傳入者眾所共知而於三陰傳入者鮮或能識若能熟視其微則三陰有急下之證多矣豈非仲景之微意歟

〔胃實有表者先解表〕傷寒

〔兼太陽〕

不大便六七日

〔有汗桂枝〕

頭痛有熱者與承氣湯其小便清者

知不在裏仍在表也須當發汗若頭痛者必衄宜桂枝湯

〔三時羌活湯〕〔成〕不大便六七日頭痛有熱者故宜當下若小便清者知裏無熱則不可下經

曰小便數者大便必硬不更衣十日無所苦也況此不大便六七日小便清者不可責邪在裏是仍在表也與桂枝湯以解外若頭痛不已爲表不罷鬱甚於經迫血妄行上爲衄也○〔丹〕謹按外證未解不可下下爲逆今頭痛有熱宜解表反與承氣正是責其妄下之過也故下文又言小便清者知其無裏邪不當行承氣又繼之曰當須發汗日頭痛必衄血宜桂枝湯反覆告戒論意甚明而註反直曰故當宜下想因六七日不大便爾雖不大便他無所苦候表解然後攻之正仲景法也註意似未瑩

陽明病

〔無汗麻黃〕

脈浮無汗而喘者發汗則愈宜麻黃

湯 陽明病

〔兼少陽〕

脇下硬滿大便秘不利而嘔舌上白胎者可與小柴胡湯上焦得通津液得下胃氣

因和身濇然汗出而解也

陽明病腹滿不大便舌上胎黃者爲邪熱入府可下若脇下硬滿雖不大便而嘔舌上白胎者爲邪未入府在表裏之間與小柴胡湯以和解之上焦得通則

嘔止津液得下則胃氣因汗出而解

陽明中風脈弦浮大而短氣腹都滿脇下及心痛久按之氣不通鼻乾不得汗嗜

臥一身及面目悉黃小便難有潮熱時時噦耳前後腫刺之小差外不解病過十日脈續浮者與小柴胡

湯脈但浮無餘證者與麻黃湯若不尿腹滿加噦者不治

（成）脈浮大爲陽風在表也弦則爲陰風在裏也短氣腹滿脇下及心痛風熱壅於腹中而不

通也若寒客於內而痛者按之則寒氣散而痛止此以風熱內壅故雖久按而氣亦不通陽明病鼻乾不得臥自汗出者邪在表也此鼻乾不得汗而嗜臥者風熱內攻不干裏也一身及面目悉黃小便難有潮熱時時噦者風熱攻於胃也陽明之脈出大迎循頰車上耳過客主人熱勝則腫此風熱在經故耳前後腫刺之經氣通腫則小差如此者外證罷則可攻若外證不解雖過十日脈續浮者邪氣猶在半表半裏與小柴胡湯若其脈但浮而不弦又無諸裏證者是邪但在表也可與麻黃湯如發其汗若不尿腹滿加噦者關格之疾也故云不治難經曰關格者不得盡其命而死

〔口苦咽乾脈浮緊宜和〕陽明中風口苦咽乾腹滿微喘發熱惡寒脈浮而緊若下之則腹滿小便難也

發熱惡寒表未解也而誤下之則亡陰無陰則陽無以化故腹滿小便難也許學士云宜小柴胡湯

陽明腹滿脈浮緊口苦咽乾而喘若發熱汗出不惡

寒反惡熱身重者忌發汗忌加燒針忌下

論見自汗

陽明病脈浮而緊者潮熱作有時但浮者必盜汗出

〔婁〕胃家實不大便雖三尺之童亦知可下也殊不知仲景之法雖有胃實證若表未解及有半表者亦先用桂枝柴胡以解外然後視虛實消息之也

〔胃實表解無證者忌攻大便硬者導之〕陽明病自汗出若發汗小便自利者此爲津液內竭雖硬不可攻之當須自欲大便時宜用蜜煎導而通之若土瓜根及入豬膽汁皆可導之

蜜煎導法

用蜜七合入銅器中微火熬稍凝似飴狀攪之勿令焦候可丸以手捻作挺子令頭銳大如指長二寸

許乘熱急作之納穀道中用手急捺住欲大便時乃去之 又豬膽汁方用大豬膽一個瀉汁和醋少許和勻灌入穀道中如飯時頃大便自去

〔便硬無所苦者俟之〕太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴此轉屬陽明也小便數者大便必硬不更衣十日無所苦也渴欲飲水少與之但以法救之渴者宜五苓散〔成〕太陽病脈陽浮陰弱爲邪在表今寸緩關浮尺弱邪氣漸傳裏則發熱汗出復惡寒者表未解也傳經之邪入裏裏不和者必嘔此不嘔但心下痞者醫下之早邪氣留於心下也如其不下者必漸不惡寒而渴太陽之邪轉屬陽明也若吐若下若發汗後小便數大便硬者當與小承氣湯和之此不因吐下發汗後小便數大便硬若是無滿實雖不更衣十日無所苦也候津液還入胃中小便數少大便必自出也渴欲飲水者少少與之以潤胃氣但審邪氣所在以法救之如渴不止與五苓散是也○〔張〕或問上條云小便數者大便必硬不更衣十數日無所苦也嘗有四五日六七日不大便者卽爲攻之今言十日不更衣而不用攻伐何也曰此非結熱乃津液不足雖十日不更衣亦無所苦也經曰陽明病本自汗出醫更重發汗病已瘥尙微煩不了者此大便必硬故也以亡津液胃中乾燥故令大便硬當問其小便日幾行本小便日三四行今日再行故知大便不久爲出小便數少以津液當還胃中故知不久大便也夫不便者若有潮熱譫語可下之證者然後可以攻之其不大便而無諸下證者此津液不足當須自審慎勿以日數久而輒爲攻下也 陽明病本自汗出醫更重發汗病已差尙微煩不

了了者此大便必硬故也以亡津液胃中乾燥故令大便硬當問其小便日幾行若本小便日三四行今日再行故知大便不久出今爲小便數少以津液當還入胃中故知不久必大便也

〔胃實表解有證者隨證攻之〕陽明病潮熱不大便六七日恐有燥糞欲知之法少與小承氣湯轉失氣

者有燥屎可攻若不轉失氣者無燥屎不可攻方論見陽明病汗出大便硬而譫語者宜小承氣湯方見

諸語不大便腹滿者宜下之若但繞臍痛者則為燥屎宜承氣湯 若心下至小腹滿痛者則為結胸宜

陷胸湯論見陽明病不吐不下心煩者可與調胃承氣湯（成）註吐後心煩謂之內煩下後心煩謂之

熱也與調胃承氣湯以下鬱熱○按陽明一證分為太陽正陽少陽三等而以調胃大小承氣下之者按

本草曰大黃酒浸入太陽經酒洗入陽明經浸久於洗得酒氣為多故能引之於至高之分若物在山巔

人迹不及必射以取之也故仲景以調胃承氣收入太陽門而大黃下註曰酒浸及詳其用本湯一則曰

少少溫服二則曰當和胃氣與調胃承氣湯又詳本湯之證則曰不吐不下心煩者又發汗不解蒸蒸發

熱又吐後腹脹滿是太陽陽明去表未遠其病在上不當攻下故宜緩劑以調和之也及至正陽陽明則

皆曰急下之與大承氣湯而大承氣湯中大黃下註曰酒洗是洗輕於浸微升其走下之性以治其中也

至少陽陽明則去正陽而逼太陰其分為下故小承氣湯中大黃不用酒製少陽不宜下故又曰少與白

微瀉之勿令大泄下此仲景之妙法也東垣不審胃之云者乃仲景置調胃承氣於太陽篇太陽不宜下

故又稱胃以別之却踵成氏之謬以小承氣治太陽脾約之 小便不利大便乍難乍易有微熱喘冒不

證以調胃承氣治正陽陽明大承氣之證余故不能無辨 臥者宜大承氣湯論見不傷寒六七日目中不了了睛不和無表裏證大便難身微熱者此為實也急

下之宜大承氣湯（成）諸脉皆屬於目傷寒六七日邪氣入裏之時目中不了了睛不和者邪熱內甚上

病目不明熱不已者死此目中不了了睛不 跌陽脈浮而澹浮則胃氣強澀則小便數浮澀相搏大便

和則證近危惡也須急與大承氣湯下之 則難其脾為約麻仁丸主之（成）跌陽者脾胃之脉診浮為陽知胃氣強澀為陰知脾為約約者儉約之

通調水道下輸膀胱水精四布五經並行是脾主為胃行其津液者也今胃強

脾弱約束津液不得四布但輸膀胱致小便數大便難與脾約丸通腸潤燥

傷寒經 卷三胃實 四

麻仁丸方

麻子仁二升

芍藥半斤

枳實半斤炒

大黃去皮一觔

厚朴去麤皮炙一尺

杏仁

一斤去皮尖別熬作脂

右六味爲末煉蜜丸如桐子大飲服十丸日三服漸加以愈爲度

（成）內經曰脾欲緩急食

甘以緩之麻子杏仁之甘緩脾而潤燥津液不足以酸收之芍藥之酸以斂津液腸燥胃強以苦泄之枳實厚朴大黃之苦下燥結而泄胃強也

陽明證其人喜忘者必有畜血所以然者本有久瘀血故令喜忘尿雖硬大便反易去聲其色必黑宜抵當

湯主之方見畜血

無表裏證下後脈數不解消穀易飢六七日不大便者有瘀血宜抵當湯

〔許〕有一士家病者二人皆旬日矣一則身熱無汗大便不通小便如澀神昏而睡診其脈長大而實予用承氣下之而愈一則陽明自汗大便不通小便利津液少口乾燥其脈亦大而虛作蜜煎三進之下燥糞得澹利而解其家曰皆大便不通何以治之異予曰二證雖相似然自汗小便利者不可蕩滌五藏爲無津液也然則傷寒大證相似兩證稍有不同宜子細斟酌正如格局看命雖年月日時皆同而貴賤窮通不相侔者於一時中有淺深故知不可不謹

〔便秘硬後澹〕仲景論中有四證內有二證不言小便一證言小便不利一證言小便少其二證不言小便者陽明病潮熱不大便六七日與小承氣湯不轉失氣者此但初硬後必澹不可攻之此胃中邪

熱未作實者也又太陽病下之心中懊懣而煩腹滿者初硬後必溏此虛煩熱在上胃中無燥屎者也
其一證小便不利者陽明病中寒不能食小便不利手足澀然汗出此欲作痼瘕必大便初硬後溏所
以然者以胃中水穀不別故也又一證言小便少者服承氣湯一升若不大便六七日小便少者雖不
能食但初硬後必溏未定成硬攻之必溏須小便利屎定硬乃可攻之是知仲景測大便溏皆以小便
覘之如小便清知不在裏利不止者利其小便小便數少津液當還入胃中必大便皆可驗者然小便
利屎定硬固爲可攻亦有小便利大便硬而不可攻者何哉陽明病自汗或發汗小便自利此爲津
液內竭雖硬不可攻之當須自欲大便宜蜜煎導蓋非裏實故不可攻也太陽病又一證云若吐若下
若發汗微煩小便數大便硬與小承氣湯和之此兩證汗後大便硬小便利皆同而治法不同者後證
爲有傳邪故微煩又因發汗吐下後小便數內亡津液大便硬是熱邪入裏故以小承氣利之至若前
證小便自利以無傳邪故無煩證大便雖硬不得爲裏熱但腸頭乾燥止可用蜜導也讀仲景書者宜
詳究焉

不得臥

不得眠陰陽皆有之正病於不得眠者陽明也若少陰當病於欲寐今乃不得眠緣陽氣入少陰經非少

陰正病也有因汗下而然者有不因汗下而然者有因火逆而然者治見本條但不得眠皆爲熱證其有太陽汗下之後晝日躁不得眠一證雖用乾薑附子湯蓋復其汗下所亡之陽非治其所感之寒病也
不得眠爲常證然少陰脈沉細自利煩躁不得眠者死傷寒發熱下利厥逆煩燥不得臥者亦死俱爲正氣弱陽不能復故也 活人云汗爲火之液汗多則神昏故不眠大熱則神不清故不眠天下則動血心主血故不眠瘥後熱氣未散陰氣未復故不眠

〔太陽〕病二三日不得臥但欲起心下必結脈微弱者此有寒分也桂枝加厚朴杏子湯 傷寒脈浮以

火劫之驚狂起臥不得安者桂枝去芍藥加蜀漆龍骨牡蠣救逆湯 下後復發汗晝日煩躁不得眠夜

而安靜不嘔不渴無表證脈沉微身無大熱乾薑附子湯 衄家不可汗汗則額上陷脈急緊直視不胸

不得眠 黃芩芍藥湯 傷寒下後心煩腹滿臥起不安者梔子厚朴湯 發汗吐下後虛煩不得眠反覆顛倒

心中懊憹梔子豆豉湯 太陽病發汗後胃中乾燥不得眠欲飲水者少與之則愈

〔陽明〕身熱目疼鼻乾不得臥尺寸脈俱長者陽明受病也病人小便不利大便乍難乍易時有微熱喘

冒不能臥者有燥屎也宜大承氣湯 陽明病脈浮而緊咽燥口苦腹滿而喘發熱汗出不惡寒反惡熱

身重若加燒針必怵惕煩躁不眠宜梔子豉湯

〔少陰〕病欲寐二三日後心煩不得臥者黃連阿膠湯主之

黃連阿膠湯方

黃連 四兩

黃芩 二兩

芍藥 二兩

阿膠 三兩

雞子黃 二枚

右五味以

水五升先煮三物取二升去滓納膠鎔盡少冷納雞子黃攪令和溫服七合日三服

〔成〕陽有餘以苦除之黃連黃芩之苦

苦以除熱陰不足以甘補之雞子黃阿膠之甘以補血酸收也泄也芍藥之酸收陰氣而泄邪熱也○然服雞子黃其病有不愈者今議加當歸人參茯苓白朮各等分與前藥四味服之立效

少陰病下利欲寐六七日後欬而嘔渴心煩不得眠者宜豬苓湯

〔論見〕

少陰病但欲寐脈沉細不煩欲

吐至五六日自利復煩躁不得寐者死

發熱下利厥逆煩躁不得臥者死

〔吳〕太陽脈浮數身疼無汗煩躁不眠者宜汗之則愈

陽明標熱頭額痛目疼身熱鼻乾不得臥脈

長者宜葛根解肌湯汗之若自汗脈洪數表裏俱熱煩渴舌燥飲水者白虎加人參湯主之若蒸蒸發

熱大便秘硬者調胃承氣湯下之外有傷寒已解或因食復劇煩悶乾嘔口燥呻吟錯語不得眠者黃

連解毒湯主之若表裏大熱舌燥飲水者人參白虎湯合解毒湯主之 凡少陽發熱口苦心煩不得

眠脈弦數者小柴胡加黃連山梔子之類若虛弱人津液不足者加麥門冬酸棗仁之類 太陽病發

汗後不得眠脈浮數微熱煩渴小便不利者五苓散主之脈數大者宜人參白虎湯或竹葉石膏湯不

可用五苓也 凡汗下後虛煩不得眠者加味溫膽湯酸棗仁湯梔子烏梅湯硃砂安神丸之類選而用之

○附

酸棗仁湯 治虛煩擾奔氣在胸中不得眠者

酸棗仁

炒

人參

茯苓

各一錢半

桂心

五分

石膏

二錢半

知母

甘草

各一錢

生薑

三片

右作一服水二鍾煎至一鍾去滓臨臥服

千金流水湯 治虛煩不得眠

麥門冬

去心

半夏

甘草

黃連

遠志

人參

草薢

以上各一錢

茯神

酸棗仁

各一錢半

桂心

五分

生薑

三片

米

一合

右用長流水二鍾半先煮水令蟹目沸以杓揚萬遍取湯二鍾煎藥至

一鍾去滓溫服

加味溫膽湯 治太陽病後虛煩不得眠此膽寒也

半夏

洗

酸棗仁

炒各一錢半

綠枳實

陳皮

甘草

各一錢

人參 二錢半

茯神 二錢

竹茹 一團

生薑 三片

右用水二鍾煎至一鍾去滓溫

服若心煩內熱者倍加黃連麥門冬若口燥舌乾者去半夏加麥門冬五味子天花粉若表熱未清者加軟苗柴胡若內虛大便自利者去枳實加白朮茯苓若內實心煩顛倒者加山梔仁

酸棗仁湯 治吐下後晝夜不得眠

酸棗仁 炒二錢半

麥門冬

茯神

當歸身 各二錢

甘草

知母

川芎 各一錢半

乾薑 三分

生薑 三片

右煎法同前

梔子烏梅湯

梔子

黃芩

甘草

人參

麥門冬 各一錢

柴胡 二錢

烏梅 二枚

生薑 三片

竹葉 十四片

右煎法同前

黃連解毒湯 治大熱乾嘔錯語呻吟不得眠

黃連 二錢半

黃芩

黃檗 各半兩

梔子 四個

水二盞半煎至一盞半去滓分

二服

自汗

附盜汗

頭汗

手足汗

自汗

傷寒準繩

卷二不得臥

自汗

七



南京中醫藥大學圖書館藏

衛氣者護衛皮膚肥實腠理禁固津液不得妄泄邪氣干之則不能衛固於外由是津液妄泄澌澌然澗
漿熱然出不因發散而自汗出也傷風則發熱自汗中暍則汗出惡風而渴風濕甚者則汗多而濡是風
與暑濕為邪皆令自汗惟寒邪傷榮而不傷衛是以膚腠閉密汗不出也始雖無汗及傳入裏而為熱則
榮衛通腠理開亦令汗自出矣自汗又有表裏之別虛實之異若汗出惡風及微惡寒者皆表未解宜發
散至於漏不止而惡風及發汗後惡寒者表虛也宜溫之此皆邪氣在表若汗出不惡風寒者此表解裏
病下之則愈如陽明發熱汗出此為熱越及陽明發熱汗多急下之者是也自汗雖常證或汗出髮潤如
油如貫珠著身不流皆為不治必手足俱周徧身悉潤漿漿然一時汗出熱已身涼乃為佳兆

〔身熱汗出惡寒屬表〕病常自汗出者此為榮氣和榮氣和者外不諧以衛氣不共榮氣和諧故爾以榮
行脈中衛行脈外復發其汗榮衛和則愈宜桂枝湯風則傷衛寒則傷榮衛受風邪而榮不病者為榮氣和也衛既客邪則不能與榮氣和諧亦不能衛護皮

腠是以常自汗出與桂枝湯解散風邪調和榮衛則愈○餘詳見前太陽病條

兼項強痛者桂枝加葛根湯項強

兼骨節煩疼不得屈伸小便

不利者甘草附子湯

論見風濕身熱條

若發汗後遂漏不止惡風者桂枝附子湯

論見後條

汗出而渴者五苓散

不渴者茯苓甘草湯

活人云傷風自汗桂枝湯難用須子細消息之假令傷風自汗若脈浮而弱設當行桂枝服湯後無桂

枝脈息證候而煩者卽不可再服也若傷風自汗出而小便數者切不可與桂枝也又太陽病自汗四肢拘急難以屈伸若小便難者可桂枝湯內加附子服之若小便數者慎不可與桂枝附子湯宜服芍藥甘草湯若誤行桂枝附子攻表便咽乾煩躁厥逆嘔吐作甘草乾薑湯與之以復其陽若厥愈足溫更作芍藥甘草湯與之其脚卽伸

〔趙〕有發汗漏風小便難與自汗小便數二證相近似溫仲景亦恐後人誤認故重出一章問答以明之前一證云太陽病發汗遂漏不止其人惡風小便難四肢微急難以屈伸桂枝附子湯主之蓋是因邪發汗遂漏不止乃服汗藥太過非自汗也惡風者餘邪未盡也小便難四肢急爲亡津液筋失所養也乃汗多亡陽外虛經氣病帶表邪不在裏也故宜附子溫經桂枝解表芍藥益血舒筋也此一證云蓋是脈浮爲虛也汗自出微惡寒者陽虛無以衛外也小便數爲下焦虛寒不能制水也心煩爲陰虛血少也脚攣急乃血爲汗奪筋無以潤養也此初得病便自表裏俱虛外無陽證病不在表固不得與桂枝同法設若誤用桂枝攻表重發其汗是虛虛也固得之便厥咽乾煩躁吐逆厥爲亡陽不能與陰相順接咽乾爲津液寡煩躁吐逆爲寒格而上也故宜乾薑以溫裏復陽甘草芍藥益其汗奪之血然後可以復陰陽不足之氣得脚伸後或譫語者由自汗小便數胃中先自津液乾少又服乾薑性燥

之藥以致陽明內結譫語雖然非邪實大滿故但用調胃承氣以調之仍少與之也原其芍藥甘草湯乃是厥愈足溫後專治兩脛攣急之藥非正治脈浮自汗出小便數之藥也今活人書却云芍藥甘草湯主脈浮自汗出小便數者何也又云通治誤服桂枝湯後病證仍存者愚不知病證何似可用如上仲景藥法蓋嘗復玩味而紬繹焉自常人觀之豈不曰自汗小便數證又無自利遽用乾薑溫之因而以致結燥譫語後却用芒硝大黃寒藥以解其熱似若失次病家遇此必咎醫者以爲誤用乾薑熱燥之失後藥先解之差矣殊不知仲景之意不患乎乾薑之熱燥惟患乎正氣之虛正氣之長邪氣之所由消也且自汗小便數等證爲表裏俱虛治法必先復其陰陽不足之正氣然非乾薑芍藥甘草不可至於正氣陰陽已復而內有所主則雖胃燥譫語不過大便內結大黃芒硝潤滑而去之而正氣內強不至下脫結燥而正氣安矣以上用藥次第先熱後寒先補後瀉似逆而實順非仲景之妙孰能至是哉後之學者可不以此推廣而應變又何暇辯病家之謬謗也耶

夏月中暑自汗身熱惡寒脈微弱口渴足冷者白虎加人參湯主之

治法詳見雜病中暑門

〔身熱汗出不惡寒屬裏爲陽明本證〕問曰陽明外證云何答曰身熱汗自出不惡寒反惡熱也

大承氣湯

問曰病有得之一日不發熱而惡寒何也答曰雖得之一日惡寒將自罷卽自汗出而惡熱也問曰惡寒